

# Powšitkowne WOZJEWJENJA

njedźelu, 20. apryla 2014

## Swjedźenski nyšpor składnostnje swjatoprajenja

Towarstwo Cyrila a Metoda zarjaduje njedźelu, 27. apryla, w 14 hodź. w Chróśćicach swjedźenski džakny nyšpor składnostnje swjatoprajenja bamžow Jana Pawoła II. a Jana XXIII. na tutej njedźeli Božeje miłosće w Romje. Na nyšporje zanjese chór Lipa zhromadnje ze skupinu Poštyrjoch a dźewjeć solistami ze swójskich rjadow, smyčkowym kwartetom a domjacymi pišćelemi „Historiju wo zrowastanjenju Jězu Chrysta“ wot Heinricha Schütza w serbskej rěči.

## Zanjesu hudźbnu twórbu z jutrownym poselstwom

Na nyšporje w Kulowskej wosadnej cyrkwi zaklinči sobotu, 26. apryla, we 18.00 hodź. „Historija wo zrowastanjenju Jězu Chrysta“ wot Heinricha Schütza přeni raz w serbskej rěči. Dalše předstajenje budže na swjatočnym nyšporje Towarstwa Cyrila a Metoda njedźelu, 27. apryla, w 14.00 hodź. w Chróśćanskej cyrkwi. Wšitcy su wutrobnje přeprošeni.

## Duchowny koncert w Róžeńće

Na dnju swjatoprajenja bamžow Jana Pawoła II. a Jana XXIII., njedźelu Božeje miłosće, 27. apryla, wuhotujetej chór a orchester Serbskeho ludoweho ansambla pod nawodom Gabriela Doná duchowny koncert w Róžeńčanskej swjatnicy. Nimo Ludwiga van Beethowenoweje sinfonije č. 6 „Pastorale“ zaklinčitej twórbje „Strowa sy Marija“ wot Jana-Pawoła Nagla a „Ecce sacerdos magnus“ wot Bjarnata Krawca. Duchowny koncert započnje so w 17 hodź.

## Emmauske pućowanje

Wšitcy serbscy młodostni su tež lětsa na Emmauske pućowanje přeprošeni – a to jutrowny štwórtk, 24. apryla, do Salowa. Pućowanje zahaji so we 18 hodź. we wjesnej kapałce.

## Mejski nyšpor a wulět

Na mejski nyšpor štwórtk, 1. meje, w 17 hodź. su wšitcy młodostni wutrobnje do Róžanta přeprošeni. Nyšporej přizamknje so zhromadny wulět z kolesami.

## Za wulět samostejacych so přizjewić

Samostejacy ze serbskich wosadow změja wutoru, 13. meje (nic kaž tydženja mylnje podate 3. junija), swój lětuši zhromadny wulět z busom, kotryž powjedže do Annaberga-Buchholza w Rudnych horach. Zajimcy njech so hač do wutory, 29. apryla, w redakciji Katolskeho Posoła přizjewja, telefonowe čisło (0 35 91) 55 02 12. Časy wotjězda busa z jednotliwych wsow so njedźelu do wulěta wozjewja.

## TCM přeprošuje na mejski nyšpor do Róžanta

Na mejski nyšpor njedźelu, 4. meje, w 17.00 hodź. přeprošuje Towarstwo Cyrila a Metoda wšitkich wěriwych do hnadowneje cyrkwe w Róžeńće. Chróšćanski cyrkwinski chór jón wobrubu.

## **Putnikowanje staršich a chorych ludži do Róžanta**

Putnikowanje staršich a chorych ludži ze serbskich wosadow do Róžanta budže sobotu, 10. meje. Wot 13 hodž. je přiležnosć k swjatej spowědži. Modlenje swjateho rózowca započnje so w 13.30 hodž. Róžowcej přizamknje so w 14 hodž. Boža mša, kotruž změje tachantski farar Wito Sćapan. Na nej wudžěli so tym, kotřiž sej to přeja, žalbowanje chorych. Po kemšach poskići so swačina.

### **„Chodźić po rukomaj“**

Składnostnje lětušich stotych narodnin zbóžneho martrarja Alojsa Andrickeho předstaji Budyske Němsko-Serbske ludowe dźiwadło (NSLDž) zhromadnje ze Serbskim ludowym ansamblom (SLA) hru „Chodźić po rukomaj“. Spisała je ju Jěwa-Marja Čornakec, hudźbu skomponował je Ulrich Pogoda. Přichodne předstajenja budu sobotu, 26. apryla, w 19.30 hodž., njedźelu, 4. meje, w 16.00 hodž., sobotu, 10. meje, w 19.30 hodž. a pjatk, 16. meje, w 19.30 hodž. na hłownym jewišću NSLDž.

### **Dzeń k natankowanju za maćerje**

W Smochčanskim Domje biskopa Bena wotměje so sobotu, 17. meje, dzeń za maćerje k natankowanju. Raz wšědny dzeń za sobu a dźěci doma wostajić, raz chwile za sebje měć a prosće natankować, je zaměr tutoho dnja, kotryž budže Steffi Hoffmann nawjedować. Zajimče měli so bórze přizjewić pak pod telefonowym čislom (03 59 35) 2 23 17 abo z mailku na referent@benno-haus.de.

### **Putniska jězba do Čěskeje**

W marijanskim měsacu meji budže putniska jězba na znate putniske městna w Čěskej. Wopytamy Svatý Kopeček (cyrkej Wopytanja swjateje Marije) a Svatý Hostyn (Marije donjebjeswzaća). Přenocujemy w hotelu Flora w Olomoucu. Mjez druhim zeznajemy luboznu krajinu Morawy, krasne barokne cyrkwe, biskopske město Olomouc z baroknym hrodom a Kroměříž z biskopskej lětnjej rezidencu a rjanym parkom (UNESCO). Jězba traje wot wutory, 6. meje, do pjatka, 9. meje. Přizjewić móžeće so pola Šmitec w Radworju, telefonowe čisło (03 59 35) 28 60, abo pola mje, telefonowe čisło (03 59 35) 2 04 25.

*Terezija Kubašec*

### **Putniskej jězbje do Słowjenskeje a Chorwatskeje kaž tež do Swjateho kraja**

Lětuša přenja putniska jězba powjedže nas wot wutory, 3. junija, hač do wutory, 10. junija, do Słowjenskeje a Chorwatskeje. We wobłuku našeje kołojězby z busom chcemy putniske městno Brezje w Słowjenskeje wopytać. Dalše cile su narodnej parkaj „Plitwicke jězory“ a „Krka“, Makerska riviera kaž tež město Dubrovnik. Dalša putniska jězba budže wot póndzele, 15. septembra, hač do póndzele, 22. septembra. Planowane je, zo podamy so z lětađlom do Swjateho kraja. Nadrobne informacije k woběmaj jězbomaj dóstanu zajimcy pod telefonowym čislom (01 63) 7 33 82 05.

*Maćij Hadank*